

Rapport della radunanza della Romania a Glion 1927

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **21 (1928)**

PDF erstellt am: **20.07.2024**

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Rapport della radunonza della Romania a Glion 1927.

La Romania sa seregurdar cun satisfacziun e plascher della bein gartegiada radunonza dils 11 de settember 1927 a Glion en cumminonza culs frars romontschs dell'Uniun Renana. Per l'emprema gada han la Romania catolica e la Renana protestanta convocau lur commembers ed amitgs tier ina communabla tschentada romontscha.

La devisa: pil pievel e cul pievel, ch'ei vegnida exprimida dalla Romania cun caschun de sia radunonza a Glion 1911 e che omisduas uniuns adempleschan ton entras publicaziuns d'ovras romontschas, sco era entras las radunonzas popularas, dei esser e restar il muossavia dellas duas uniuns.

La radunonza dils 11 de settember 1927 a Glion ei medemamein stada inspirada dalla devisa: pil pievel e cul pievel. Allas 2 u. setrai in grond e bi til, accompignaus dallas bandieras sgo-latschontas della Romania e dell'Academia de Mustér, da students cun differentas capetschas, dalla musica de Glion etc. sil plaz festiv el «Giessli». Ina canzun de beneventaziun dat l'entschatta. En biala variaziun suondan producziuns de musica, cant e plaids. Sco emprem oratur plaida sgr. Dr.

Poltera-Lang, president dil marcau de Glion. En num dil marcau beneventa el cordialmein las duas uniuns radunadas egl emprem marcau dil Rein. Sgr. stud. jur. Aug. Cahannes, president della Romania, arva officialmein la radunonza, salidond la gronda raspada romontscha ed animond ils chors de cant de sustener igl intent della Romania entras promover il cant romontsch. Sgr. cand. fil. Gion Caduff, referent della Renana, rispunda alla damonda: Ha il pievel romontsch ina litteratura originala? Igl oratur comprova entras siu intressant ed instructiv referat ch'il pievel romontsch posseda in lungatg cun litteratura originala. Sgr. prof. Dr. R. Vieli, referent della Romania, plaيدا davart la muntada dil manteniment dil lungatg romontsch. Ser Caveng, president della Renana, concluda la radunonza publica cun in plaid d' engraziament e d' adhortaziun.

Cun ina canzun della valenta Ligia grischa ei ina gronda mesada romontscha seradunada el Hotel Oberalp e suenter tscheina el Hotel Rezia per passentar en legra compagnia entginas emperneivlas uras d' abundonta retorica e hilaritad. Biaras e bias producziuns de cant e de musica han delectau in numerus auditori. Dils differents plaids, ch' ein cun quella caschun vegni fatgs, menzionein nus mo quel de sgr. prof. Dr. P. Tuor. Sco versau oratur descriva el en marcants plaids il program che dei esser e restar la basis per la collaboraziun dellas duas societads, che vulan mantener e culti-

var nies carezau lungatg. Compareglia Gas. Rom. e Casa Paterna dils 15 de sett. 1927.

Gliendisdis damaun ha la Romania assistiu al requiem per nos defuncts, duront il qual Sur Gartmann, plevon a Schlans, ei seregurdaus ded els en in commuentont riug.

Ella sequenta radunonza de fatschentas han ils activs en cumminonza culs commembers honoraris liquidau las tractandas. La nova suprastonza ei vegnida constituida sco suonda: Sur Gion Cadalbert, president; stud. teol. Fidel Maissen, vice-president; stud. med. Bistgaun Muoth, actuar; Rev. Sur canoni M. Alig e Rev. Sur prof. A. Giger, commembers honoraris.

Per la Romania:

Gion Cadalbert, President.

L'academía romontscha il „Curtin“ a Mustér.

Cura ch' ils zenns dil venerabel sanctuari de s. Placi e s. Sigisbert resunan melodiusamein atras la biala vallada alpina, per annunziar a pign e grond l' arrivada della pli gronda fiasta della Sur-selva, lura batta il cor dils giuvens students claustrals d' ina vera legria e d' in niebel sentiment de libertad, pertgei in onn de lavur e de strapaz ei puspei vargaus. Medemamein selegran ils fegls dil «Curtin», pertgei er els han duront il liung e